

覆元至正本
中吳紀聞六
卷

長洲章鉅署



丙辰仲秋
武進董氏
誦芬
室刊

中吳紀聞序



吾家自先殿院占籍中吳距
今幾二百禩相傳已及雲仍
矣明之幼嘗逮事王父每聞
講論鄉之先進所以誨化當
世者未嘗不汪意高仰去少

序

長從父黨游皆名人科士及
又獲識典刑於親炙之久乃
從事於進取虞庠魯泮餘
三十年同舍亦多文人行揭
漁振華咸有可紀厥後此
異事變利門名路終不復

注由是聲迹益晦陋瓜疇芋
區不遇耆農相爾汝所與笑
談者無復有鴻儒矣竊嘗
端居而念焉凡疇昔飮聞而
厭見者注、後輩所未喻今
年九十有二西山之日已薄恐
其說之無傳也口授小子昱俾
抄其大端藏之篋衍不惟可
以稽考注跡資助談柄其間
有禪王化關士風者頗多其
新舊圖經及夫地志所不載
者鬼神夢中雜置其間蓋

効范忠文東齋記事體談諧
嘲謔亦錄而弗棄蓋效蘇文
忠公志林體皆取其有戒於
人耳豈新學小生屬意不
倫措辭無法不可以為書予
意為是不滿乎曰老於文者
隳括之庶幾不為括掌之資而
使後之人誦其所聞以代莊舄
之吟爾淳熙元年中和日宣
教郎賜緋魚袋致仕龔明
之期頤堂書

中吳紀聞目錄

崑山 龔明之 希仲

第一卷

范文正公

許洞

丁陳范謝

辟疆園

闢百草

陳君子

梅聖俞與僧良玉詩

半夜鍾

白樂天

六經閣記

唐郎官題名

丁晉公

解額

紅蓮稻

陸宣公

太乙宮

孫百篇

紅梅閣

蘇子美

先高祖

趙霖水利

黃氏三夢

崑山編

中吳紀聞目錄

皋橋詩

謝賓客

張子野吳江詩

春申君

蔣密學

丁晉公拜老郁先生

李璋

木蘭堂詩

林大卿買宅

富祕監

智積菩薩

楊惠之塑天王像

三江口

王運使減租

闢鴨

第二卷

姚氏三瑞堂

丁氏賢惠錄

張文定公知崑山

傳燈錄

曾大父

婁侯

滕章敏公

滄浪亭

范文正公復姓

鄭宣徽

五柳堂

林氏儒學之盛

中隱堂三老

國一禪師

葉少卿

二游詩

安定先生

蘇子美飲酒

張伯玉郎中

上方詩

陳龍圖使高麗

樂圃先生

海涌山

盧通議

閭門樓詩

隨緣居士

章守子用皂蓋

石點頭

執革卦影

夢石天王像

改正洪範篇

范文正四子

林酒仙

章岷

鮑魚

徐都官九老會

第三卷

葉道卿

觀風樓

三高亭

程光祿

晉公飯僧疏

蔡君謨題壁

邦正夫

陳君子父殿丞鬱林石

謝希深

范文正還鄉

清遠道士詩

幽獨君詩

本禪師

吳王拜郊臺

范貫之

南翔寺

張敏叔

崑山夫子廟

孫子和

張翰

皮日休

橋名

賀方回

白公檜

癸甲先生

方子通

破山寺

甫里

有脚書厨

泰娘

南園詩

朱子奢

錢氏納土

白馬澗

禪月大師

第四卷

太公避地處

范忠宣公

滕章敏公結客

思賢堂

顧學正

鄭希尹

執爨詩

王元之畫像

雙蓮堂

慧感夫人

孫若虛滑稽

元少保

仲殊

如村

鄭毅夫吳江橋詩

張幾道挽詩

夜航船

范文正不取燒煉方

俗語

方子通詩誤入荊公集

盧發運

大雲翁

花客詩

中吳

祖姑教子登科范祕丞

徐朝議

顏夫子

信義縣

李無悔

蟬

大本錢王後身

邦正夫失鶴詩黃姑織女

孫積中

中吳紀聞目錄

三

王主簿

第五卷

唯室先生

姑蘇百題詩

范秘書

張子韶與周煥卿簡

蝦子和尚

郭家朱砂圓

陳了翁鱸鄉亭詩

起隱子

間丘大夫

寶嚴院

洞庭山

方子通紅梅詩范無外

綽堆

陸彥猷

翠微集

生老病死

邦子高

鄭應求

獄山

王學正

范文正為閻羅王

吳縣寇主簿詩盤溝大聖

魏令則侍郎

圖經刊誤

草腰帶聽聲

壓雲軒詩

翟忠惠

白雲泉

謂三命

范文正祠

臞菴

蠡口

蛇化為劍

賈表之

易承天為能仁寺

章戶部

王教授祭學生文

沈元叙滄浪亭詩

第六卷

西樓詩

郭仲達

凌佛子

崑山學記

王唐公

顧景繁

慈受禪師

蔣侍郎不肯立坊名

孫郎中

潘悅之侍郎

南北章

中吳紀聞目錄

四

余良弼占卦影王彥光

狀元識

四幡之助

樂菴

吳江詞

石湖

丁令威宅

周朝宗

蘇之繁雄冠於浙右

朱光祿

翟超

正訛

林父記館中語

徐聖望

羊充實

蘇民三百年不識兵

之彛老

紀異

朱氏盛衰

徐稚山

無菴

結帶巾

周妓下火文

諧謔

思韓記

徐氏安人詩

吳中水利書

中吳紀聞目錄終

中吳紀聞卷第一

崑山龔明之

范文正公

天聖五年范文正公居母喪上書宰執請擇郡守舉縣令斥游惰去冗僭遴選舉崇敦教育養將材實邊備保直臣斥佞人使朝廷無過生靈無怨以杜奸雄凡萬餘言時王文正公會為相見而偉之服滿薦充館職由此為人主所知不次擢用慶曆三年九月拜叅知政事上開天章閣訪以治道公條陳當世急務十條一曰明陟黜二曰抑僥倖三曰精貢舉四曰擇官長五曰均公田六曰厚農桑七曰脩武備八曰覃恩信九曰重命令十曰減徭役上嘉納之一歲之間次第舉行無或遺者公初上宰相書即受知於王文正後陳十事即見聽於仁宗雖曰抱負奇偉不容不見於施設自非聖君賢相委曲信任之亦安能行其所學邪

許洞

許洞太子洗馬仲容之子

在洗馬墳城西

登咸平三年進士第

平生以文章自負所著詩篇甚多當世皆知其名歐陽文忠公嘗稱其為俊逸之士所居惟植一竹以表特立之操吳人至今稱之曰許洞門前一竿竹真廟祠汾陰時洞為均州叅軍在路獻文章令召試中書

孫見其家藏洞之敕牒三四紙

洞與潘閔錢易為友狂放不羈閔坐廬多遜黨亡命
乃變姓名僧服入中條山洞密贈之詩曰潘逍遙平
生才氣如天高倚天大咲無所懼天公嗔汝口呶々
罰教臨老頭補衲歸中條我願中條山神鎮長在駟
雷叱電趕出這老怪

丁陳范謝

錢武肅王鏐之子廣陵王元璠廣陵王之子威顯王文
奉皆為中吳軍節度使開府於蘇時有丁陳范謝四人
者同在賓幕丁諱守節陳諱貧明范諱夢齡謝諱崇禮
職中吳軍節度推官俱以長者稱守節者丞相謂之祖
貧明者屯田之奇字虞卿之曾祖夢齡者參政仲淹之
曾祖崇禮者太子賓客濤之父其子孫又皆登高科躋
膺仕足見慶源深厚矣

中吳紀聞卷一

二

辟疆園

吳中舊傳池館林木之勝惟辟疆園為第一辟疆姓顧
氏晉人見於題咏者甚衆李太白云柳深陶令宅竹暗
辟疆園陸羽云辟疆舊林園恠石紛相向陸龜蒙云吳
之辟疆園在昔勝槩敵皮日休云更葺園中景應為顧
辟疆近世如張伯玉亦云于公門館辟疆園放蕩襟懷
水石間今莫知其遺跡所在

闢百草

吳王與西施嘗作闢百草之戲故劉禹錫詩云若共吳

王聞百艸不如應是欠西施

陳君子

陳之奇字虞卿鄉人以其有賢德故以君子稱之初登第為鄱陽尉後為丹徒泰興令李瑋尚秦國大長公主下國子監舉通經術有行義者為教授遂以公充選未幾乞致仕遷太子中允時年未五十俄除平江軍節度掌書記復以為教授詔裝錢促遣之力辭不赴公道德著於鄉雖閭巷小兒亦知愛敬有爭訟久不決者跨蹇驢至其家以大義感動之皆為之革心自掛冠後閒居十八年熙寧初卒葬花山王岐公為作志題之曰陳君子墓銘始公之謝事也蔣堂侍郎語人曰舉天下皆知

中吳紀聞卷一

三

有富貴而虞卿獨以知止易衆人之心吾喜林下有人矣因為賦詩曰寵秩拜春坊歸休識慮長掃門卑魏勃設醴謝元王一水尊鱸國群山橘柚鄉喜君添老社烟駕尚徜徉張伯玉郎中亦贈之詩曰東吳王孫歸掛冠玉絲紅繒滿雕盤狂吟但覺日月久醉舞不知天地寬小圃移花山客瘦夜窗搗藥橘童寒新書近日成多少且告先生旋借看

梅聖俞與僧良玉詩

崑山慧聚寺僧良玉字蘊之僧行甚高旁通文史之學又善書工琴棋因游京師梅聖俞見而喜之以姓名聞于朝賜以紫衣其東歸也聖俞以詩送之曰來衣茶褐袍

歸變堪色服扁舟洞庭去落日淞江宿水煙晦琴徽山
月上岩屋野童遙相迎風葉鳴橡櫺後潛遁故山專以
講經為務號所居曰雨花堂

半夜鍾

唐張繼宿楓橋詩云月落烏啼霜滿天江村漁火對愁
眠姑蘇城外寒山寺夜半鍾聲到客舫昔人謂鍾聲無
半夜者詩話嘗辨之云姑蘇寺鍾多鳴於半夜予以其
說為未盡姑蘇鍾唯承天寺至夜半則鳴其它皆五更
鍾也

此張繼詩王氏學林
新編誤以為溫廷筠

白樂天

白樂天為郡時嘗攜容滿蟬態等十妓夜遊西武丘寺

中吳紀聞卷一

四

嘗賦紀遊詩其末云領郡時將久游山數幾何一年十
二度非少也非多可見當時郡政多暇而吏議甚寬使
在今日必以罪去矣

六經閣記

姑蘇自景祐中范文正公典藩方請建學其後富郎中
嚴維之又建六經閣張伯玉公達嘗為郡從事遂命為
之記今但傳其篇首數句聞見錄又誤載其始末予家
偶藏公達所著蓬萊集恐後人不復見全文也因具載
之六經閣子史在焉不書尊經也吳郡州學始由高平
范公經見之其後天章蔣公待制中書柳舍人史館昭
文張陸二學士行郡事殿中丞李仲塗先生之猶子中

臺柳兵曹今尚書富郎中十年更八政仁賢繼志學始大成
六經閣又建先時書籍草創未暇完葺廚
之後廡澤地汙晦日滋散脫觀者惻然非古人藏象魏
拜六經之意至是富公始與吳邑長洲二大夫以學本
之餘錢僦之市材直公堂之南臨泮池建層屋起夏六
月乙酉止秋八月甲申凡旬有七浹計庸千有二百作
楹十有六棟三架雷八桶三百八十有四二戶六牖梯
衝梁枕圻墁陶甃稱是析於久故爽而不痺酌於道故
文而不華經南嚮史西嚮子集東嚮標之以油素揭之
以油黃澤然區處如蛟龍之鱗麗如日月之在紀不可
得而亂大抵天地之極致皇王之高道生人之紀律盡

在是矣古者聖賢之設教也知函夏之至廣生齒之至
衆不可以頤解耳授故教之有方導之有源乃本庠序
之風師儒之說始於邦達於鄉至於室莫不有學烜之
以文物聳之以聲名先用警策其耳目然後清發其靈
府故其習之也易其得之也深其政不肅而成不煩而
治歐元之入善域優而柔之使自得之萬世之後尊
三王四代法者無他焉教化之本末馴善也然則觀是
閣者知六經之在則知有聖人之道知有聖人之道則
知有朝廷之化知有朝廷之化則嚮方之心日懋一日
禮義之澤流于外絃歌之聲格于內其為惡也無所從
其為善也有所歸雖不欲徙善遠罪納諸大和不可召

康公之詩曰豈第君子來游來歌子思之說云布在方策人存則政舉凡百君子由斯道治斯民暢皇極序彝倫者舍此而安適得無盡心焉諸儒謂伯玉嘗後事此州游學茲久宜刊石庶幾永無忽

唐郎官題名

唐郎官題名碑承平時在學舍中堂之後已漸剝缺兵火後不復存矣序文乃張長史楷書長史以草聖得名未嘗作楷字世尤愛之題名之人雖不一亦盡得古筆法唐世崇尚字學用此以取人凡書皆可觀今所傳止序文爾長史蘇人故立碑於此

丁晉公

祖守節吳越中吳軍節度推官

中吳紀聞卷一

六

公諱謂字謂之家世於冀其祖仕錢氏遂為吳人公少負才名先妣祖端公在鼎州日公嘗贄文求見因贈之詩曰膽怯何由戴鐵冠祇緣昭代獎孤寒曲肱未遂遠前志直指無聞是曠官三署每傳朝客說五溪閑凭郡樓看祝君早得文場雋况值天階正舞干淳化三年公登進士科名在第四與孫何俱有聲當時王黃州有詩云三百年來文不振直從韓柳到孫丁如今便合教脩史二子文章似六經祥符中為叅知政事上問唐酒價幾何公曰每斗三百按杜甫詩速宜相就飲一斗恰有三百青銅錢又侍宴賞花釣魚公詩云鸞鷟鳳輦穿花去魚畏龍顏上釣遲上賞詠再三群臣皆以為不及天

禧中拜相仁宗即位進司徒兼侍中後為章聖山陵使
擅移陵域貶將仕郎崖州司戶參軍公自遷謫日賦一
詩號知命集後因奏表敘策立之功有云雖遷陵之罪
大念立主之功多因徙雷州移道州復秘書監光州居
住貶竄十五年鬚髮無斑白者人皆服其量臨終半月
不食焚香危坐誦佛書以沈香煎湯時呬而已至光州
謝執政啓有云三十年門館從游不無事契一萬里風
波往復盡出生成在海上對客問天下州郡孰大客曰
唯京師公曰朝廷宰相只作崖州司戶則崖州為大衆
皆大笑歸葬華山所居在大郎橋號晉公坊堂宇甚古
有層閣數間臨其後予嘗至其第與公之孫德隅游德

隅善篆六工於四六

中吳紀聞卷一

七

解額

姑蘇自祥符間定制秋舉以四人為額慶曆中就舉者
止二百人范貫之龍圖嘗作送錢正封赴舉序已言四
人之額視他藩為最寡熙寧元豐間應舉者漸多增為
六人三舍既行罷去科舉法歲貢四人舍法罷乃合三
年之數為十二人紹興丙子又增流寓一名今終場者
幾二千人其額又不勝其窄矣

紅蓮稻

紅蓮稻從古有之陸魯望別墅懷居詩云遙為晚花吟
白菊近炊香稻識紅蓮至今以此為佳種

陸宣公

唐書云陸贄蘇州嘉興人按武德中蘇州所管七縣而嘉興本號長水縣改為由拳又改為嘉禾吳赤烏中方易今名也

太一宮

太平興國六年方士言五福太一在吳越分太一天之貴神也行度所至之國民受其福故今蘇州建太一宮後以地遠不便於禱祀遂於京城蘇村建之今天慶觀乃其舊址鄉人尚有以宮巷宮前稱者

孫百篇

吳士孫發嘗舉百篇科故皮日休贈以詩云百篇官體

中吳紀聞卷一

喧金屋一日官嚙下玉除陸龜蒙亦有云直應天授與詩情百咏唯消一日成其見推於當時如此二科不知創於何代國初亦無定制惟求應者即命試太平興國五年有趙昌國願試此科帝御殿出四句詩為題詩云松風雪月天花竹鶴雲烟詩酒春池雨山僧道柳泉每題五篇、四韻至晚僅成數十首方欲激勸後學特賜及第仍詔今後應此科者約此題為式

蘇子美

蘇舜欽字子美易簡叅政之孫慷慨有大志工為古文聲名與歐陽公相上下天聖七年王清昭應宮災子美以太廟齋郎詣登聞上疏謂天以此垂戒願陛下恭默

內省語甚切直時年方二十登景祐元年進士第俄有
詔戒越職言事者子美又上書極論其不可慶曆四年
授大理評事集賢校理監進奏院當時用事者以子美
乃范文正所薦而杜正獻之壻也因鬻故紙會客事誣
奏之遂除名勒停嘉祐初韓魏公為請於朝追復元官
卒年四十一山谷先生嘗有觀秘閣蘇子美題壁詩曲
盡其平生大節真蹟藏汪玉山家今集中不載故見之
於此仁祖康四海本朝盛文章蘇郎如席豹孤嘯翰墨
場風流映海岱俊鋒不可當學書窺法窟當代見崔張
銀鈎刻琬琰蠶尾迴縑緗擢登群王府高閣目生光春
風吹曉雨禁直夢滄浪人聲市朝遠簾影花竹涼秋荷
湔筆硯怨句挾風霜不甘老天祿誠欲升未央小臣膽
如斗朱儒捧一囊請題師十萬奉辭問犬羊歸鞍飲月
支伏背筓中行人事喜乖忤南遷得夜航此時調玉燭
日行中道黃柄臣似牛李傾奪謀未成薄酒園邯鄲老
龜禍枯桑兼官百郡邸報賽用歲常招延青雲士共醉
斟樽觴俗客避白眼傲歌舞紅裳謗書動宸極牢戶繫
桁楊一網收冠蓋九衢人走藏庖丁提刀立滿意無四
旁論罪等饕餮囚衣禦方良姑蘇麋鹿嘆風月有書堂
永無湔拔期山鬼共幽篁萬戶封侯骨今成狐兔岡迺
來四十年我亦校書郎雄文終膾炙妙墨見垣墻高山
仰豪氣崢嶸乃不亡張侯開詩卷詞章尚軒昂草書十